

Brüder sterben / oder Franchheiten haben / vnd schwer darnider ligen. Ist es des Weybsbilds / so wirdt die Schwester mit jr / oder sie mit jnen sich zanken vñ schelten. Wann in fortuna in der dritten revolution die Sonn anschawet / so bedeüts das jetztgemelte d oben.

### IIII.

Das vierdt hauf bedeut den Vatter / die gebew / vñ den nutz der dingen. Vor welche du merck die cuspides des vierdten hauf / so wol der radice als der revolution / vñ jre regenten : auch den grad der diuision des 4. hauf der radice / sampt jrē diuiforen in zweyen beyden figuren / welchen du zusehest die zeugnissen des regenten des Jars Alfridariarum &c. wie d oben gesagt.

### Aphorismi.

Sol, Luna, vnd pars patris / mit dem Marte / entweder in seinem genierdten oder gegenschein in der revolution / Wann die regenten derer jrer örter nicht glücklich sein werden / oder in einem bösen aspect Martis / so wirt sein Vatter sterben / vnd fürnemlich auch / wann aliquod luminarium im vierdten stehen wirdt. Solchs wirdt auch geschehen wann die liechter nicht glücklich sein. Zeigen auch an / daß von wegen der Sonnen vnglück des gebornen Vatter ein schaden leiden werde. Wann die liechter in der revolution im 7. oder im 4. stehen / so wirdt sein Vatter oder Mütter sterben / fürnemlich wann dise örter in radice nit glücklich sein / so eygne die Sonne dem Vatter / vnd den Mon der Mütter zu. Wann des Vatters theil in der revolution